

Sinei pwungun porous faniten coronavirus



Met COVID-19?

COVID-19 eew semwen mei nii faan mwarich seni ei monun coronavirus. Coronavirus eew kumien monu mei tongeni aworato semwen mei chou ika kukun. Ei minafon monun coronavirus a poputa nee cheu nein aramas seni ewe December 2019. Sou safei iei ir mei chok kakao ngeni minafon monu me met sokkun semwen mei uwei. Ren iei ese mwo wor safeian ika eppetin ei COVID-19.



Ifa usun an cheu coronavirus?

Ei monu a cheu nefinen aramas nupwen repwe mwor, mwesi, ika kapas nge mei paras non chechenun non awer ika chiorer. Ei monu e nomw non parasen non awen emon a tongeni epwe tonong non pwotun me awen aramas ir mei kanengeni emon ewe mei uri – non koukun arapakan 6 ngaaf. Mei tongeni an ei COVID-19 epwe cheu seni ekkewe aramas rese mefi semwenin ei monu nge a fen nomw rer. Mei pwan tongeni ar repwe angei ei monu nupwen ar repwe atapa mettoch ewe monu mei nomw won.

Ifa ukukun choun COVID-19?

Sou safei iei ir mei chok anapano ar kaeo seni ekkewe ra urir ei semwen me metekan esisinen an a urir ei coronavirus. Sia angei porous pwe ekkewe chon semwen mei tongeni an epwe urir (nge a usun chok en maater) ika fen chou wor usun en pneumonia iwe ra tongeni repwene tonong non pioing ren. Ren iei, mano faniten ei COVID-19 non Oregon mei tonong porousan pwe napengeni e chok fisingeni ekan ra otono ika chinap nge mei wor ar semwen me mwen epwe torir ei monu. Nepoputan ei semwen an cheu, napengeni semirit mei urir ei monun coronavirus ese chou wor ekkewe esisin ika semwen. Kukuto ei, eew minafon semwen ra kuna non semirit mei awora kar me metek non unusen inisin en semirit. ekkewe semirit mei urir ei semwen ir mei chou wor ei semwen iwe ir mei tonong non pioing.

Metekewe esisinen COVID-19?

Aramas mei urir ei COVID-19 mei sakopat met esisinen mei nomw rer ar ra aporousa – mei wor mei chou wor me ekkewe rese kon mefi ar semwen ren. Met esisinen ei semwen mei kon chok pwaano:



Mwor



Cheta



Fipa



Metekin non chior



Metekitekin neutur



Mwii ika weiresin ngasangas



Minafon ar rese neni ika tini pwonon mettoch



Ion epwe kon tori kai ei monun coronavirus?

Ion e kanengeni ei monu ika ion mei uri ei semwen mei tongeni an epwe urir ei semwen ika nomw rer ei monu nge ese pwaa me wor – coronavirus mei mecheres an epwe cheu nefinen aramas kukun me watte. Ese nifinifin ion a tongenin acheuwano ei monu esapw chok eew taapin aramas. Nge, kich mei sopwosopweno ach kaeo ika sinei pwe mei wor ekkoch chochon aramas mei mutir an epwe torir nge mei chou wor ren ei monun COVID-19: ekkei kumien aramas ir ekkewe mei wor ar semwen mei pusin nonomw rer ika ir mei apwangapwang, ekkewe aramas ir mei chocho ar nomw fengen, non nenien tumwunun mei semwen me ekkewe chon angang ir mei chok angang rese kouno.



Ifa sokkun ai upwe tumwunu ei me ekkoch?

Eew anen an esapw uruk ei semwen kopwe epeti an ei monu esapw tikeruk.

Met kopwe fori mei pachenong:

- Nomwetiwi neimw ika en mei semwen.
- Ika en mei apwangapwang, nomwetiwi neimw kosapw noo fetan ika mwo pwe en mei mefi pochokun.
- Ika pwe ke semwen nge ka nomw nukun me nein aramas, niwiniti neimw, eimwukeno, iwe ka esinesin ngeni noumw sou safei ika doctor.
- Fori angangen nimetieochu poumw ren omw kopwe chok tonu poumw iteitan.
- Nimeti me sodokuni non neniomw konien met aramas ir mei chok kon atapa patei.
- Pwonu awomw omw mwor/mwesinong nemwonong poumw ika non churukami.
- Kosapw atapeta won sangunumw ika mesom.
- Fori angangen awora nefinomw me aramas - onu (6) ngaaf nefinomw me aramas kose nonomw rer ika sisiner.
- Aea pwonupwonun maas, mei mangak ika taropwe me ekkewe aean chok faan ewe iwe mwoneno nupwen kopwe noo fetan.
- Nomw neimw ika arapakan ngeni neniomw. Achocho ngeni esapw wor omw saii kopwe nomweno ekis ika noo ngeni ekkis achocho ngeni kopwe chok saa ngeni ian mei kanengonuk ian faniten omw kopwe kuht met mei auchea me namwot.

Ren ekkewe mei wor terir ika mei weires ar repwe fosun Merika, OHA mei tongeni awora ekkei porous non sakopaten kapasen fonu, fofoun mak ika non met sokkun napanapen porous ke mochen. Kokori Mavel Morales won 1-844-882-7889, 711 TTY ika OHA.ADAModifications@dhsosha.state.or.us.